


說
庫


第十冊

鑒
五
江
北
國
南
夢
戒
故
餘
瑣
錄
事
載
言

光



庫十



鑒誠錄卷六

戲判作

王蜀宋開府。光嗣僥忝樞衡。紊亂時政。所為妖媚。下筆縱橫。凡斷國章。多為戲判。用三軍為兒戲。將萬機為詭隨。取笑四方。結怨上下。以至一身受戮。後主遭誅。良由君子退身。閹人執政者也。判行營將士申請裏糧云。纔請冬賜。又給行裝。漢川咫尺。要甚裏糧。綿州物賤。直到益昌。又判內庭求事人云。覓事撮巔拗勾。當須教了。儻若有闕遺。禁君直到老。又判導江縣申狀。封皮上著狀上門府衙。勅加開府。不是門府。典押雙眈。令佐單瞽量事。書罰勝打十五。令佐盤庚典押。歲取事了。速歸用修廨宇。又判小朝官郭廷鈞進識字女子云。進來便是宮人。狀內猶言女子應見。容止可觀。遂令始制文字。更遣阿母教招。恨不太真相似。且圖親近官家。直向內廷求事。又判神奇軍背軍官健李紹妻。阿鄧乞判改嫁。淡紅衫子。赤輝輝。不探燕脂。不畫眉。夫壻背軍緣甚事。女人別嫁欲何為。孤兒攜去君爭忍。抵子歸來我不知。若有支持且須守。口中爭著兩張匙。又判簡州刺史安太尉申院狀。希酒場云。係州收權安胡。安胡空有髭鬚。所見不遠。智解全愚。酒場是太后教。令問你還有耳孔也無。又判內門捉得

御厨雜使衙官偷肉云。斤斤是官家物。飽祭隴。嗔更將出。不能為食。斬君頭。領送右巡。枷見骨。

產麒麟

王蜀田尚父

宗侃

第三子太尉

承肇

生自雅安

雅州之名

小字獠獠兒。其母崔氏。初夢一

人。綈冠褒袖。自稱周公山神。牽一五色獸逼其裙。既驚且寤。因而有孕焉。後有加持崔和尚者。忽自雅安來于成都。打病瘟疾者。尋差。學覺者。立行。指人亂言。往往有據。田是時童騃官者。抱子著牕前。和尚看之。欣然撫其背曰。怪來近日貧道所居之山。氣色稍微。其山之神。孕靈於此。此子麒麟之精也。必為王者之瑞焉。官者以告其母。曰。往年夢中之獸。今獲解之。遂施和尚金珠。以酬異說。田後累遷郡守。節制洋州。蜀將之中。頗聞兵法。乃知異夢信而有祥者焉。

鬼坐衙

前蜀軍使文大諫

宗院

下峽行。迴至瀘州。經方山廟。以兵士平善還棹。夜宿茲廟。了

其心願焉。事饌者檢慎不謹。未經獻孰。有廟家狗潛于砧上。盜物食焉。文方暫偃息於廊廡間。候其事辦。俄聞廟堂內雷震一聲。又有電數條。繚繞廟中。似尋怪物。文與

三十餘人。潛匿無地。忽見一人。戴白冠。衣白裳。昇堂而坐。獠鬼有趨走階下者。役有排立者。莫知其數。頃刻有鬼十數等。皆披虎皮。拘一著赤黃衫人至中庭。鬼主責之曰。豈有人間設食。吾未受饗而竊之乎。遂令杖之十五。曳出廟門。良久。鬼物聲影俱沉。寂然如故。文遂令檢點祭饌。果少猪腸。來早於廟籬外。見一赤黃狗。臥于草內。舐其臀瘡。自後祭人轉加嚴敬。又崔諫議鑾。頃在瀘州。禱無不應。今于錦城之北。奏置行廟。時人號曰崔氏家神。靈驗頗多。不得盡錄。

怪鳥應

王蜀光天元年。太祖寢疾經旬。文洲進白鷹。茂州貢白兔。群臣議曰。聖上本命是兔。鷹兔至甚相刑。貢二禽。非以為瑞。退鷹留兔。帝疾必痊。勅命不從。是歲晏駕。又通正年有大禿鷲鳥。颺於摩訶池上。顧太尉愛時為小臣。直于內庭。遂潛吟二十八字。詠之。近臣與顧有隙者。上聞詔。顧責之。將行黜辱。顧亦善對。上遂捨之。至光天元年。帝崩。乃禿鷲之徵也。詩曰。昔日曾看瑞應圖。萬般祥異不如無。摩訶池上分明見。子細看來是那胡。又有楊祕書義方者。執性强梁。所為狂簡。亦西南少俊之士也。曾以筆硯見用於宋樞密。光嗣因題九頭鳥。宋疑楊見詠。遂奏譴沉黎。至咸康元年。後主失

位。宋亦遭誅。乃九頭鳥之應也。詩曰。三百禽中爾最靈。就中惡爾九頭名。數年雲外藏光影。此夜天邊發差聲。好惜羽毛還鬼窟。莫留災害與蒼生。况當社稷延洪日。不合鳴時莫亂鳴。

旌論衡

釋道二門。各宗教本。雖分內外。意曉筌蹄。前蜀佑聖國師光業。有過人之辯。為僧門一瑞也。威儀楊德輝。有出人之才。為道門之一俊也。至於問答論難。無不雙美。武成中。東川昌明縣元士李懷杲。聚盜構逆。尋亦受誅。普通山青州長老錄。二尼道姑道媪。親事中瓶。時左街使集王宗翰。奏聞收勘決遞。遐方僧道俱有乖張。嘲論各興。譏謗。非獨取笑。理在其中。光業徵李懷杲。嘲道門云。雲鑠涪江水。似天又聞懷杲已昇仙。強思齊見應摧膽。張茂卿聞必聳肩。強與張元士三尺霜刀充絳節。兩條朱棒替香烟。報伊廣德先生道。社稷威靈不偶然。山上擒來鎮裏收。天然模樣已成囚。妄占氣色為徵兆。更引文章說御樓。長榜數張懸市內。短刀一隊送江頭。旋驅旋斬教隨水。只此名為正道流。楊德輝徵青州長老嘲僧門曰。堪笑青州學坐禪。不供父母不耕田。口中雖道無諸相。心裏原來有外緣。行者趁教門裏卧。尼師留在脚頭眠。高標不使

觀音救徒說三千與大千。出家比要離生緣。爭是爭名更在先。說法謾稱獅子吼。魅人多是野狐涎。行婆餉送新童子。居士抄條施利錢。蠶食萬民何所用。轉教海內有荒田。又太祖降誕日。僧門祝辟支佛牙。道門進武成混元圖。光業詔圖以嘲之。德輝詔佛牙以答之。議者以光業先與北郭之師。德輝報盡東門之役。光業嘲進圖云。夜深燈火滿壇鋪。拔劍揮空亂叫呼。黑撒半筐兵甲豆。朱書一道厭人符。重臣餞飼剛教活。聖主慈悲未忍誅。佛說毗盧三界了。如何更有混元圖。德輝嘲佛牙云。比來降誕為官家。堪笑群胡讚佛牙。手軟阿師持磬鉢。回甜童子執幡花。縱饒黎庶無知識。不可公王盡信邪。捧擁一函枯骨立。如何延得壽無涯。後舉子劉隱辭詠之曰。為僧為道兩悠悠。若箇能分聖主憂。各鬪輪蹄朝紫殿。競稱卿監滿皇州。相嘲相詠何時了。爭利爭名早晚休。閑想邊庭荷戈將。功成猶自不封侯。所以牛祕監嶠評之詩曰。元門清淨等空門。虔奉天尊與世尊。金口說經十二部。玉皇留教五千言。鰲頭宮殿波濤闊。鷺嶺香花夢想存。莫向人間爭勝負。須知三教本同源。

神口開

韋相公昭度出鎮西川。陳太師敦與監護田軍容令孜。堅守城垣。不復除替。韋於

城南荷聖寺置行府制守三年而歸。時王太祖建為行軍司馬。忽夢一青衣神人。大張其口。乃問小將山章。章對曰。青衣乃蜀之地名也。亦有青衣之神。其祠在乎壘內。今城中百姓。則易子而食。三軍則守陴而哭。可謂窮危之甚。祠廟固乏烝嘗。今青衣之神口開。是土地於公求饗。亦是啓其脣齒。露彼腹心之兆也。其城夢後十日而降。果如所說。又雅州有周公山城之隅。有周公廟。廟有土偶。康押衙即神之領袖也。郡人祈禱。無不遂心。唐大中初。有任士元與宇文錯爭田。俱無公執。雖經檢勘。難定是非。士元無計。端明不甘理屈。遂詣靈廟。昇請康押衙請至田所。祝曰。若是宇文錯之地。請神點頭。如是士元之地。請神開口。冥心啟祝。神口遂開。宇文錯知非。遂還其地。士元由請鼓樂迎歸舊祠。至今郡人無敬事。儻有祭奠。似帶酒容。乃知神明正直。依人而行者也。

布變朝

南蠻所都之地。號曰長和國。呼宰相為布變。王蜀後主。乾德中。南蠻選布變段義宗判官贊衛姚岑等。為使入蜀。義宗不欲朝拜。遂禿削為僧。號曰大長和國。左街崇聖寺。賜紫沙門銀鉢。既而屈蜀群臣議奏。僧有胡法。宜令禮拜。義宗於是失節焉。至於

談論敷奏道理。一哥一詠。捷應如流。有題大慈寺芍藥云。浮花不與衆花同。為感高僧護法功。繁影夜鋪方丈月。異香朝散講筵風。尋真自得心源靜。夜色非貪眼界空。好似芳馨堪供養。天教生在釋門中。又題三學院經樓云。驚嶺鷄園不可傳。叨倍龍象喜登游。玉排複道珊瑚殿。金錯危欄翡翠樓。尚欲歸心求四諦。敢辭旋繞滿三周。羲和鞭撻金烏疾。俗網無由肯駐留。又題曰。當今積善競脩崇。七寶莊嚴作梵宮。佛日明時齊舜日。皇風清處接慈風。一乘妙理應難測。萬劫良緣豈易窮。共恨塵芳非法侶。掉鞭歸去夕陽中。又題判官贊衛有聽哥妓洞雲。哥略云。嵇叔夜鼓琴。飲酒無開暇。若使當時聞此歌。拋擲廣陵渾不謝。劉伯倫劉伯倫。虛生浪死過青春。一飲一石獨自醉。無人為爾下梁塵。又思鄉云。漠北行人絕。雲南信未還。庭前花不掃。門外柳誰攀。坐久消銀燭。愁多減玉顏。懸心秋月夜。萬里照關山。此製作寔為高手。義宗生居蠻貊。幾有漢前蜀號大漢國章表。頗生輕易。國師常瑩辯黃光業等。酬酢偈句。皆失機宜。還遇鳩而卒。議者以南康王韋臯於沈黎大興巖序。遂至夷亂。華風文流異域。自有唐蠻子朝覲罕有。俗之間無不繕寫洞雲哥行者也。

鑒誠錄卷六終

鑒誠錄卷七

做十在

有唐十在著自簡編。為古人之美談。顯君臣之強盛。林員外屏亦作前蜀十在行自問。闡明其禍亂之胎。示以君臣之醜。雖為謗訕。深鑑是非。慮墜斯文。輒編於此。其文曰。咸康元年。蜀主臨軒。龍顏不悅。群臣失色。罔知所安。時有特進檢校太傅顧在珣。越班奏曰。臣聞主憂臣辱。主辱臣死。今聖慮懷憂。臣等請罪。帝曰。北有後唐霸盛。南有蠻蠻強梁。朕雖旰食宵衣。納隍軫慮。此不能興師弔伐。彼不能臣子來王。恐社稷不安。為子孫之患。是以憂爾。在珣奏曰。只如興土木于禁中。選驍雄於手下。迴持斧鉞。出鎮藩籬。飾宮殿於遐方。命鑾輿而遠幸。為豐之兆。為禍之原。有王承休在。摧挫英雄。吹揚佞媚。全無斟酌。謬處腹心。斷性命于戲玩之間。戮仇讎於樞機之下。有功勞而皆弃。非醕酪而不行。有宋光嗣在。受先皇之付屬。為大國之棟梁。既不輸忠。又不能退。恣一門之奢侈。狂數子之驕矜。徒為饕餮之人。寔非社稷之器。有王宗弼在。迴徹煙霄。殊非謬誤。興亂本逞章呈之妙。說姦謀事。頰舌之能。立致傾亡。尚居左右。有韓昭在。常加慘毒。每恣貪殘。焚蕞軍營。要寬私第。不道喧騰于眾口。非違信任於

愚懷有歐陽晃在。酷毒害民。加刑聚貨。叨為郡守。寔負天恩。瘡痍已徧于陽安。蒙蔽由憑于內密。有田魯儔在。為君王之元舅。受保傅之尊官。但務奢華。不思輔弼。第宅迥同於上苑。珍珠未滿于貪心。有徐延瓊在。出為留守。入掌樞機。無諤諤以佐君。但唯唯而徇旨。有景潤澄在。搜求女色。悅暢宸襟。常叨不次之恩。每昌無厭之寵。敷對唯誇於辯博。佐時不答于經綸。素非忠賢。實為忝竊。有嚴凝月在。唱亡國之音。銜趨時之佼。每為巫覡。以玩聖明。致君為桀紂之年。昧主之唐虞之化。有臣在。陛下任臣如此。何憂社稷不安。帝聞所奏。大悅龍顏。于是賜顧在。絢絹五百疋。進加右金吾衛將軍。開府儀同三司。檢校太尉。仍令所司編入史記。

亡國音

王後主咸康年。晝作鬼神。夜為狼虎。潛入諸宮內。驚動嬪妃。老小奔走。往往致卒。或狂遊玉壘。書王一於倡樓。或醉幸青城。溺內家於灌口。數塗胭脂。頻作戎裝。又內臣嚴凝月等。競唱後庭花。思越人。及搜求名公。豔麗絕句。隱為柳枝詞。君臣同座。悉去朝衣。以晝連宵。絃管喉舌相應。酒酣則嬪御執卮。后妃填詞。令手相招。醉眼相盼。以至履舄交錯。狼籍杯盤。是時淫風大行。遂亡其國。後庭花者。亡陳之曲。故杜牧舍人

宿秦淮有詩曰。烟籠寒水月籠沙。夜泊秦淮近酒家。商女不知亡國恨。隔江猶唱後庭花。又胡曾詠史詩曰。隣國機權未可涯。如何後主恣驕奢。不知即入宮前井。猶自聽歌玉樹花。思越人者。亡吳之曲。故胡曾詠史詩曰。吳王恃霸棄雄才。貪向姑蘇醉淶醅。不覺錢塘江上月。一宵西送越兵來。柳枝者。亡隋之曲。煬帝將幸江都。開汴河種柳。至今號曰隋堤。有是曲也。胡曾詠史詩曰。萬里長江一旦開。岸邊楊柳幾千栽。錦帆未落干戈起。惆悵龍舟更不迴。又韓舍人詠柳詩曰。梁苑隋堤事已空。萬條猶舞舊春風。那堪更想千年後。誰見楊柳入漢宮。又賀祕監知章羅給事隱詠柳輕巧風豔。無以加焉。賀君詩曰。碧玉裝成一樹高。萬條垂下綠絲條。不知細葉誰裁出。二月春風似剪刀。羅詩曰。裊裊和烟映玉樓。半垂橋上半垂流。今年漸見枝條密。惱亂春風卒未休。又李博士涉有題錦浦垂柳曰。錦池江口柳垂橋。風引蟬聲送寂寥。不
必如絲千萬樹。只禁離恨兩三條。

雪廢主

天。成。初。明宗臨朝。宣亡蜀舊宰臣。王鎔。張格。庾傳素。許寂。御史中丞牛希濟等。各賜一韻。試蜀主降臣唐詩限五十六字成。王鎔等皆諷蜀王僭號荒淫失國。獨牛希濟

得川字。所賦詩意。但述數盡。不謗君親。明宗覽詩曰。如希濟才思敏捷。不傷兩國。迴存忠孝者罕矣。當日有雍州亞事之拜至。今京洛無不稱之。詩曰。滿城文物欲朝天。不覺隣師犯塞烟。唐主再懸新日月。蜀王還却舊山川。非干將相扶持拙。自是吾君數盡年。古往今來亦如此。幾人歡笑幾潛然。

陪臣諫諸侯之臣曰陪臣

王蜀咸康年。後主將幸天水。群臣列號懇諫。上意不從。前秦州節度掌書記蒲禹卿

獨上一表云。秦皇之鑾駕不迴。煬帝之龍舟不返。至今傳為忠臣。及後主降唐。至雍

州受死。

亡蜀宰相王鐸等乞後主骸骨歸葬蜀山。其表云。生為萬乘之君。死在匹夫之手。

蒲君隨例赴洛。亦在長安。痛後主

遭誅。朝廷失信于驛門。大慟。仍書五十六字而歸。雍守捕之。蒲已還蜀矣。詩曰。我王

銜璧遠稱臣。何事全家併殺身。漢舍子嬰名尚在。魏封劉禪事猶新。非干大國渾無

識。都是中原未有人。獨向長安儘惆悵。力微何處報君親。直諫後主幸秦州表云。臣

臣某言。頓首死罪。臣聞堯有敢諫之鼓。舜有誹謗之木。湯有司過之士。周有戒慎之

輶。蓋古者明君克全帝道。欲知已罪。要納讜言。將引咎而責躬。庾理人而修德。陛下

承祧秉錄。正位當天。愛聞悅耳之忠言。每許犯顏而直諫。且先皇帝許昌振跡。閭苑

興師。歷艱辛於草昧之時。受危險於虎爭之際。胼胝戈甲。寢寐風霜。中武力而助中原。立戰功而平多壘。亡軀致命。事立勤王。方得成家。至于開國。今日鴻基霸盛。大業推崇。地及雍岐。界連荆楚。信通吳越。威定蠻陬。郡府頗多。關河甚廣。人物秀麗。土產繁華。當四海輻輳之秋。成萬代龍興之業。陛下生當富貴。坐得乾坤。但好歡娛。不思機變。臣欲望陛下。以名教而自節。以禮樂而自防。修道德之規。受師傅之訓。知社稷之不易。想稼穡之最難。惜高祖之基模。似太宗之臨御。賢賢易色。孜孜為心。無稽之言。勿聽。弗詢之言。勿庸。聽五音而受諫。以三鏡而昭懷。少止宿于諸處林亭。多厯覽於前王書史。別修上德。用卜遠圖。莫遣色荒。無令酒惑。常親政事。勿恣閑遊。臣竊聞陛下欲出都城。看視邊壘。且天雄地遠。路惡難行。險棧欹雲。危峰挿漢。稍雨則吹摧閣道。微泥則阻滑山程。豈可鳴鑾。唯堪叱馭。又復秦州。敵境咫尺。塞色荒涼。人雜番戎。地多疫瘴。別無風華異境。不可選勝尋幽。隴水聲清。胡笳韻咽。營中只帶甲之士。城上宿枕戈之人。看烽火于孤峰。朝朝疑慮。覩望旗于絕嶺。日日隄防。是多山足雲之鄉。即易動難安之境。麥積崖無可瞻戀。米谷峽何足聞知。縱過嗟山。須通怨水。秦穆園馬之地。隗囂僭位之邦。其次一人出行。百司參從。千群霧擁。萬衆星馳。當路州

縣凋殘所在。館驛隘小。止宿尚猶不易。供需固是極難。縱若宮中指揮。自破屬省錢物。未免因依擾拔。觸處凌持。以此細論。不合輕動。其類蒼龍出海。雲行雨施。豈合浪靜風恬。必見傷苗損物。所以鑒與須止。天步難移。況頃年大駕。只到山南。猶不下關。進發兵士。此時直至天水。未審制置如何。當初打破梁原城池。虜掠義寧戶口。截腕者非一。斬首者倍多。匪唯生彼人心。而亦損茲聖德。今去洛京不遠。復聞大駕重來。彼則預有機謀。此則便須征討。況鳳州久為讎敵。必貯姦謀。切慮妄措妖詞。致生釁隙。又陛下與唐國方申歡好。信幣交馳。但慮聞道。聖駕親行。別懷疑忌。其或專差使命。請陛下境上會盟。未審聖躬去與不去。若去則須似秦趙爭強。彼此難屈。若不去則便同魯衛不睦。戰伐茲興。酌彼未萌。料其先見。願陛下恩付。臣伏聞自古帝王省方巡狩。弔民伐罪。展義觀風。然後便歸九重。別安萬姓。陛下累曾游歷。未聞一件教條。止於踐涉山川。驅馳人馬。閭苑則舟船幾溺。青城則嬪嫔將沉。自取驚憂。為何切事。及還京輦。並不說於軍民。迫鬱衆情。莫彰帝德。憶昔先皇帝在日。未省無故巡遊。陛下纂承已來。樂意頻離宮闕。此時依前整蹕。又擬遠別宸居。昔秦王之鑒。駕不迴。煬帝之龍舟不返。陛下聖逾秦帝。明勝隋皇。且無北築之虞。焉有東遊之獎。陛下寬

仁大度廣孝深慈。知稼穡之艱難。識古今之成敗。自防得失。不縱襟懷。豈忍置却宗
祧。云言道斷。使蒸民以何託。令慈母以何辜。若不慮於危亡。實恐乖于仁孝。况玉京
金闕。寶殿珠樓。內苑上林。瑤池瓊圃。香風滿檻。瑞露盈盤。鈞天之樂。奏九韶。迴雪之
舞。呈八佾。簇神仙於紫禁。耀珠翠於皇宮。如論萬乘之君。便是三清之境。人間勝致。
天下所無。時或追游。足觀奇趣。何必傾于遠塞。看彼荒山。不惜聖躬。有何裨益。方今
中原有人。大事未了。但當國生靈受弊。盜賊橫行。縱邊庭無烽火之虞。而內地有腹
心之患。陛下千年膺運。一國稱尊。文德武功。經天緯地。孝逾于舜。仁甚于湯。百行皆
全。萬機不撓。聰明博達。識度變通。深負規模。獨懷殷鑒。方居大寶。正是少年。既承社
稷之基。復抱山河之險。何不遠聽邇察。居安慮危。闢四門以求賢。總萬機而行事。咸
修一德。端坐九重。使恩威並行。賞罰必當。平分雨露。徧療瘡痍。庶表裏寬。奢保子孫
昌盛。布臨人之惠化。益抹物之宏功。選棟雄師。思量大計。振彼鴟張之勢。壯茲虎視
之威。秣馬訓兵。豐粮利器。彼若稍有微豐。此則直下平吞。正取時機。大行王道。自然
百靈垂佑。四海歸仁。衆心成城。天下治理。今則蜀都強盛。諸國不如。賢士滿朝。聖人
當極。臣願百姓樂于貞觀。萬乘明于太宗。採藥石之言。聽芻蕘之說。愛惜社稷。醫療